



232

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 414; 726 409
fax. +387 33 726 414;
e – mail: info@voda.ba

SKUPŠTINA KANTONA SARAJEVO

Reisa Džemaludina Čauševića 1


71000 Sarajevo

Naš znak/Our ref.: **40-51-2/21**

Vaš znak/Your ref.:

Datum /Date,

13.01.2021.



Predmet: Odgovor na zastupničko pitanje – **dostavlja se**

Veza: Vaš dopis broj: 01-04-151-15/21 od 05.01.2021. godine


Poštovani,

„Agencija za vodno područje rijeke Save“ Sarajevo zaprimila je Vaš dopis kojim tražite na uvid važeće vodne akte koje smo izdali pravnom licu KJP „Poljoprivredno dobro Butmir“ d.o.o. Ilidža. S toga Vam u prilogu dopisa dostavljamo kopiju rješenja o vodnoj dozvoli broj: UP-I/25-3-40-166-6/19 od 19.06.2019. godine za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima koja važi do 19.12.2023.godine uz uslov da se aktivnosti obuhvaćene tačkom 3. dispoziva rješenja u cijelosti poštuju.

S poštovanjem,

Prilog:

- Rješenje: UP-I/25-3-40-166-6/19 od 19.06.2019.



DIREKTOR

Sejad Delić, dipl.inž.

Dostaviti:

- Ⓞ Naslovu (Prilog)
- sektor 40
- a/a



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-166-6/19**
Datum: **19.06.2019.godine**

«Agencija za vodno područje rijeke Save» Sarajevo rješavajući po zahtjevu pravnog lica KJP „Poljoprivredno dobro Butmir” d.o.o. Ilidža, Sarajevo, za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, općina Ilidža, Sarajevo, na osnovu člana 109. stav (1) tačka 2 i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu KJP „Poljoprivredno dobro Butmir” d.o.o. Ilidža, Sarajevo, daje se vodna dozvola za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, općina Ilidža, Sarajevo, na zemljištu označenom kao k.č. 693/1 i 693/2 K.O. Doglodi.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu i u skladu sa priloženim dinamičkim planom, pod slijedećim uslovima:
 - 3.1. Da pravno lice KJP „Poljoprivredno dobro Butmir” d.o.o. Ilidža, Sarajevo, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu rada farme muznih krava sa pratećim objektima, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 01.08.2019. godine izvedu završni radovi (I faza) na odvodnji tehnoloških otpadnih voda u skladu sa Glavnim projektom odvodnje tehnoloških otpadnih i oborinskih voda u KJP „PD Butmir” d.o.o. Ilidža, Sarajevo urađen od strane „Institut za hidrotehniku” d.o.o. Sarajevo, januar 2017. godine.
 - 3.3. Da se do 30.10.2019. godine završe aktivnosti oko tenderske dokumentacije za nabavku i instalisanje u skladu sa obavezama pravnog lica KJP „Poljoprivredno dobro Butmir” d.o.o. Ilidža, Sarajevo iz Memoranduma o razumijevanju a koje su neophodne za realizaciju projekta „Poboljšanje inovacionih kapaciteta privatnih i javnih aktera za održivu i profitabilnu reciklažu stočnog otpada –RE-LIVE”.
 - 3.4. Da se do 30.03.2020. godine završe pripremni radovi za instalisanje opreme (izgradnja bazena, pripremi podloga za postrojenje za prečištač otpadnih voda i dr) a u skladu sa projektima navedenim u tački 3.3. ovog Rješenja.
 - 3.5. Da se do 30.04.2020. godine izvrši montiranje separatora i izvrši puštanje u rad postrojenja za tretman tehnoloških otpadnih voda koje nastaju posljedica rada farme muznih krava sa pratećim objektima (vode od pranja objekata i opreme, osoka, procjedne vode od silosa i

- đubrenke, te oborinske vode sa manipulativnih površina i prostora oko štala) a u skladu sa projektima navedenim u tački 3.3. ovog Rješenja i rokovima iz dinamičkog plana.
- 3.6. Da se nakon realizacije aktivnosti navedenih u tački 3.4. izvrši priključenje prečišćenih tehnoloških otpadnih voda na gradski kanalizacioni sistem a u skladu sa uslovima datim od strane operatera koji upravlja istim KJKP „Vodovod i kanalizacija d.o.o. Sarajevo.
 - 3.7. Da se do 30.10.2020. godine realizuju prethodni radovi (zemljani, betonski i armirački radovi) na II fazi- tretman tehnoloških otpadnih voda koje nastaju od pranja prostora u kome u cisterne za mlijeko i opreme za mužu prema projektnoj dokumentaciji koja treba biti urađena od strane ovlaštene firme a u skladu sa rokovima iz dinamičkog plana (zemljani, betonski i armirački radovi).
 - 3.8. Da se do 30.04.2021 godine realizuju montažni radovi na II fazi- tretman tehnoloških otpadnih voda koje nastaju od pranja prostora u kome u cisterne za mlijeko i opreme za mužu u skladu sa projektnom dokumentacijom iz tačke 3.7. a u skladu sa rokovima iz dinamičkog plana (elektro radovi, radovi asfaltiranja i drugi montažni radovi).
 - 3.9. Da se do 30.05.2021 godine realizuju završni radovi na II fazi- tretman tehnoloških otpadnih voda koje nastaju od pranja prostora u kome u cisterne za mlijeko i opreme za mužu u skladu sa projektnom dokumentacijom iz tačke 3.7. i da se postrojenje pusti u rad a u skladu sa rokovima iz dinamičkog plana.
 - 3.10. Da se realizuju radovi na III fazi- tretman i odvodnja oborinskih onečišćenih voda sa početkom izvođenja radova juli 2022.godine i konačnim završetkom radova april 2023. godine, prema projektnoj dokumentaciji koja treba biti urađena od strane ovlaštene firme a u skladu sa rokovima iz dinamičkog plana (prethodni radovi, zemljani radovi, betonski radovi i montažni radovi ugradnja separatora, završni radovi) a prema projektnoj dokumentaciji iz tačke 3.2. ovog Rješenja.
 - 3.11. U toku izvođenja svih radova na predmetnoj lokaciji osigurati nadzor nad izvođenjem istih.
 - 3.12. Nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda sa lokaliteta kompleksa KJP „Poljoprivredno dobro Butmir“ d.o.o. Ilidža.
 - 3.13. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisije definisane u tabeli u prilogu 1. kolona 3. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 1/16 i 101/18). Nakon priključka tehnoloških otpadnih voda na gradski kanalizacioni sistem korisnik predmetnih objekata je obavezan kvalitet tehnoloških otpadnih voda, a prije ispuštanja u recipijent dovesti na granične vrijednosti emisije definisane u tabeli u prilogu 1. kolona 3.
 - 3.14. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta tehnoloških otpadnih voda i oborinskih onečišćenih, uzimanjem uzorka efluenta iz okna za monitoring a prije ispuštanja u recipijent u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 11. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.15. Ukoliko Vlada propiše dodatne (strožije) uvjete od uvjeta definisanih u Prilogu 1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.16. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.17. Otpad koji nastaje u postupku rada farme muznih krava sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.

- 3.18. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.19. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.20. Da se kod pranja koriste sredstva koja su prikladna okolinskim zahtjevima.
 - 3.21. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.22. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.23. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.24. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.25. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan vršiti plaćanje posebne vodne naknade u skladu sa Odlukom o visini posebnih vodnih naknada („Službene novine Federacije BiH“, broj 46/07), te u skladu sa Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. U periodu važenja ove dozvole, Korisnik je dužan provoditi sve mjere i aktivnosti propisane istom.
 7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, u skladu sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije sa rokom važenja do 19.12.2023. godine uz uslov da se aktivnosti obuhvaćene tačkom 3. dispozitiva rješenja u cjelosti poštuje.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.
 12. Ukoliko nosilac prava iz ove vodne dozvole u propisanim rokovima, ne ispuni uslove iz dispozitiva ovog rješenja i ne zadovolji propisane vrijednosti koji se odnose na parametre kvaliteta tehnoloških otpadnih voda navedenih u tački 3.13. dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

O b r a z l o ž e n j e

Pravno lice KJP „Poljoprivredno dobro Butmir“ d.o.o. Ilidža, Sarajevo, zahtjevom broj 03-3-29/19 od 06.03.2019 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, Ilidža, Sarajevo, na zemljištu označenom u kopiji katastarskog plana broj: 05-30-126/2017-3 od 19.01.2017. godine izdat od Službe za imovinsko-pravne, stambene,

geodeske poslove i katastar nekretnina, Općina Ilidža, Sarajevo, br. plana 8, kao k.č. 693/1 i 693/2 K.O. Doglodi.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 065-0-Reg-18-004952 od 23.10.2018. godine, izdatog od strane Općinskog suda u Sarajevu-ovjerena kopija,
- Uvjerenje o poreznoj registraciji izdato 28.02.2014.godine, od strane Porezne uprave – Kantonalni ured Sarajevo -ovjerena kopija,
- Ovjerena kopija uvjerenja o poreskoj registraciji, broj: 04/1-17-1-UPJR/1-2909/14 od 06.05.2014. godine, izdato od strane Uprave za indirektno- oporezivanje Banja Luka,
- Rješenje o vodnoj dozvoli broj: UP-I/25-3-40-082-3/17 od 03.04.2017. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: 07-06-25-10828/16 od 23.11.2016 godine izdato od strane Ministarstva privrede Kantona Sarajevo,
- Kopija uplatnice administrativne takse i biljega,
- Rješenje o okolinskoj dozvoli izdato od strane Federalno ministarstvo okoliša i turizma, broj: UPI/05-23-175/16 FM od 18.01.2017. godine –kopija,
- Posjedovni list 268, broj: 05-30-861/17-4 od 14.03.2017. godine izdat od Službe za imovinsko-pravne, stambene, geodeske poslove i katastar nekretnina, Općina Ilidža, Sarajevo, uzeti iz predmeta
- Kopija katastarskog plana broj: 05-30-126/2017-3 od 19.01.2017. godine izdat od Službe za imovinsko-pravne, stambene, geodeske poslove i katastar nekretnina, Općina Ilidža, Sarajevo,
- Ugovor o prevozu i neškodljivom uklanjanju leševa životinja broj: 03-2-120/2018 od 04.12.2018 godine, zaključen sa KJP „RAD“ d.o.o. Sarajevo,
- Mišljenje o priključenju tehnoloških otpadnih voda na gradski kanalizacioni sistem broj: 2111/19 od 01.04.2019 godine dato od strane pravnog lica KJKP „Vodovod i kanalizacija“ d.o.o. Sarajevo,
- Šematski prikaz procesa po projektu „Poboljšanje inovacionih kapaciteta privatnih i javnih aktera za održivu i profitabilnu reciklažu stočnog otpada –RE-LIVE“,
- Odluka o utvrđivanju javnog interesa za dodjelu koncesije za eksploataciju podzemne pitke vode iz bunara B-1 broj 02-05-30342-7/18 od 23.08.2018 godine donesena od strane Vlade Kantona Sarajevo,
- Obavijest broj: 01-06-1-6-110/18 od 09.01.2018 godne o dodjeli finansijskih sredstava za realizaciju I faze projekta-odvodnja tehnoloških otpadnih voda, Glavni projekat odvodnje tehnoloških otpadnih i oborinskih voda u KJP „PD Butmir“ d.o.o. Ilidža,
- Obavijest broj: 01-06-1-316-3941/18 od 27.09.2018 godne o dodjeli finansijskih sredstava za realizaciju II faze projekta-tretman tehnoloških otpadne vode od opreme za muže krava, Glavni projekat odvodnje tehnoloških otpadnih i oborinskih voda u KJP „PD Butmir“ d.o.o. Ilidža,
- Godišnji izvještaj o monitoringu kvaliteta i kvantiteta otpadnih voda KJP „Poljoprivredno dobro Butmir“ d.o.o. Ilidža, Sarajevo, za 2018. godinu, urađen od strane „Dvokut-pro“ d.o.o. Sarajevo, oktobar 2018. godine,
- Memorandum o razumjevanju sklopljen između Sarajevske regionalne razvojne agencije, SERDA d.o.o. Sarajevo i KJP „PD Butmir“ d.o.o. Ilidža dana 22.05.2018 godine,
- Ugovor o izadi Glavnog projekta odvodnje oborinskih voda i izrada projekta i proračuna za odvodnju tehnoloških otpadnih voda, broj 05-443/2019 godinu od 06.06.2019 godine zaključen sa „Institutom za hidrotehniku“ d.d. Sarajevo.

B. Tehnička dokumentacija

- Glavni projekat odvodnje tehnoloških otpadnih i oborinskih voda u KJP „PD Butmir“ d.o.o. Ilidža, Sarajevo urađen od strane „Institut za hidrotehniku“ d.o.o. Sarajevo, januar 2017. godine,
- Izvještaji o monitoringu kvaliteta i kvantiteta otpadnih voda KJP „Poljoprivredno dobro Butmir“ d.o.o. Ilidža, Sarajevo, urađeni od strane „Dvokut-pro“ d.o.o. Sarajevo,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju,

obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-166-4/19 od 30.05.2019. godine.

Uvidom u dostavljenu dokumentaciju, izvršenim uviđajem na licu mjesta i priloženim dinamičkim planom može se konstatovati sljedeće:

Farma muznih krava u KJP „PD Butmir“ d.o.o. Ilidža, nalazi se u naselju Doglodi, ulica Bojnička, općina Ilidža, Sarajevo na površini od 3,8 ha. Udaljenost predmetne farme od vodotoka rijeke Dobrinje je 1 km. Kapacitet farme je 1000 grla od čega je 480 krava u fazi laktacije i 120 krava u suhostaju ili fazi teljenja a ostatak je priplodni podmladak. Dnevno se proizvede cca 9000 litara mlijeka koje otkupljuje mlijevara „Milkos d.o.o. Sarajevo i odvozi vlastitim cisternama.

Kompleks farme muznih krava čine cjeline i to: upravna zgrada, objekat za smještaj muznih krava (proizvodni pogon), telećarnik, porodilište, objekat za uzgoj junica za priplod sa nadstrešnicom i skladištem za sijeno, objekat sa cisternama za mlijeko, ambulanta, skladište stočne hrane, silo trenč i sjenik, đubišna jama, osočara sa prelivom, pumpna stanica i bunar, pumpa za snabdijevanje vozila gorivom, saobraćajne i manipulativne površine i dr.

Farma muznih krava KJP „Poljoprivredno dobro Butmir“ d.o.o. Sarajevo – Ilidža snabdijeva se vodom:

- Iz gradskog vodovodnog sistema za potrebe vode za piće u upravnoj zgradi, a potrošnja vode se registrira jednim vodomjerom,
- Iz sopstvenog bunara, za potrebe cjelokupnog proizvodnog procesa, a potrošnja se registrira jednim vodomjerom.

Podnosilac zahtjeva je pribavio Rješenje o vodnoj dozvoli za korištenje vode i ispuštanje sanitarno-fekalnih voda od nadležnog organa.

Tehnološke otpadne vode iz svih proizvodnih pogona se prikupljaju odvojenim sistemom cjevovoda i kanala koje se sastaju u sabirnom šahtu i odlaze uskim otvorenim kanalom u osočaru. U ove vode se ulijevaju i procjedne vode iz silo trenča, te kruga farme, kao i oborinske vode sa manipulativnog platoa putem odvodnih kanala izgrađenih za odvodnju ovih voda. U osočari se vrši taloženje stajnjaka, a tečna faza odlazi putem izgrađenog otvorenog kanala u rijeku Dobrinju.

Sanitarno – fekalne vode iz sanitarnih čvorova se skupljaju zasebnim sistemom cjevovoda u upravnoj zgradi i ispuštaju u gradski kanalizacijski sistem.

Tehnološke otpadne vode nastaju u objektu za prikupljanje mlijeka, od pranja opreme i održavanja čistoće mlijevara. Ove vode se bez tretmana ispuštaju u gradski kanalizacioni sistem kojim upravlja KJKP „Vodovod i kanalizacija“ Sarajevo.

Skladištenje hemikalija i naftnih derivata se vrši na propisan način bez mogućnosti dospijevanja istih u podzemne i površinske vode.

Vrši se zbrinjavanje opasnog otpada od strane ovlaštene firme prema sklopljenom ugovoru od strane „AIDA COMMERCE“ d.o.o. Sarajevo.

Godišnji izvještaj rezultata ispitivanja kvaliteta tehnoloških otpadnih voda za 2018. godinu sa lokacije kompleksa KJP „PD Butmir“ d.o.o. Ilidža urađen od strane Dvokut-pro“ d.o.o. Sarajevo, oktobar 2018. godine, ukazuju da slijedeći parametri kvaliteta otpadnih voda prelaze granične vrijednosti u prečišćenoj vodi (HPK, BPK₅, ukupne suspendovane materije, amonijak, ukupni nitrogen i sulfati) definisanih kolonom 3. priloga 1. Uredbe o uslovima ispuštanja otpadnih voda u okoliš i sisteme javne kanalizacije.

Kruti stajnjak se deponuje na deponiju krutog stajnjaka (đubrenku) i nakon određenog vremena, potrebnog da se izvrši proces fermentacije, odvozi direktno na poljoprivredne površine.

Uz zahtjev za izdavanje vodne dozvole dostavljen Dinamički plan u skladu sa Uredbom u kome je dat spisak aktivnosti i mjera sa rokovima u kojima će pravni subjekt realizirati pojedine aktivnosti.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u dispozitivu ovog Rješenja, propisani uslovi u skladu sa odredbama Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i odredbama Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, KJP „Poljoprivredno dobro Butmir“ d.o.o. Ilidža, Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.grad.

Dostaviti:

- KJP „Poljoprivredno dobro Butmir“ d.o.o. Ilidža, Sarajevo, Bojnička 119, Ilidža (Prilog-tehnička dokumentacija pod tačkom B obrazloženja ovog Rješenja)
- ⊖ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo

13306606